



Universitätsbibliothek Paderborn

Antidota Evangelica contra horum temporum hæreses

Stapleton, Thomas

Antverpiae, 1595

14. 15. Vos estis lux mundi. Non potest ciuitas abscondi super montem posita.

urn:nbn:de:hbz:466:1-39546

12. *Quoniam merces vestra copiosa est in cælis.*

CA THOLICÆ Ecclesiæ doctrinam de
meritis operum ex hoc loco euidenter
stabilitam, suggillat Caluinus his verbis.
*Quod Papistæ in nomine mercedis ludunt, nullo negotio hic
fucus diluitur. Neque enim, ut somniant ipsi, mutua est
relatio inter mercedem & meritum, sed gratuita est pro-
missio mercedis. Deinde si reputamus quam multum sit
ac vitiosum quicquid bonorum operum etiam ab optimis pro-
dit, nullum unquam opus inueniet Deus mercede dignum.*
Hæc ille. Sed huic duplici cauillo facile respon-
detur. Est quidem promissio Dei gratuita; pro-
missione autem semel facta, retributio non est
gratuita, sed debita: non quia nobis Deus aliquid
debet, sed quia eius quod gratuitè promisit, debi-
tor factus est, & seipsum negare non potest. Iu-
storum opera in pura charitate facta, maximè
tolerantia persecutionis pro fide, de qua Christus
hic loquitur, non sunt vitiosæ, sed mercede dignæ,
quatenus à Spiritu gratiæ profiscuntur, & sua
dona coronat Deus. Vide plura in opere nostro
de iustific. lib. II. cap. 3. & seqq.

14. *Vos estis lux mundi. Non potest ciuitas abscondi
15. super montem posita.*

EX his verbis in hunc modum colligunt
Catholici. Si Ecclesia est lux mundi, vt
homines ab ignorantiae tenebris ad fidei
lumé traducat, ergo visibile corpus est, nec dele-
ri potest; sicut sol lux mundi, vt homines suo lu-
mine fruantur, extingui non potest. Sed est hære-
tica expositio quæ hanc demonstrationem refel-
lere

*Merita
bonorum
operum.*

Gul. Fulco
lere conatur. Ecclesia (inquiunt) est lux mundi: sed
de successo. non est satis esse lucem ut videatur: neque enim lapis solem
ecclesiast. videt. At mundus impiorum non magis cernit quam lapis,
cap. 2.
inueni
invenimus

nisi oculos aperiat gratia. Ecclesia ergo, utcunque sit lux
mundi, non nisi prius & electis suis est visibilis. Responde.
Ecclesia est lux mundi per participationem, sicut
Christus erat lux mundi per se & suam plenitudi-
nem. Sicut ergo Christus ut pro vero Filio Dei
agnosceretur, non nisi oculis fidei videri potuit,
sed ut homo in terris conuersatus tam ab impijs
Iudeis quam a pijs cernebatur: sic Ecclesia ut pro
vera Christi sponsa & columna veritatis ac ma-
tre fidelium agnoscatur, non nisi oculis fidei vi-
detur; sed ut est hominum collecta congregatio
per totum orbem diffusa Christi nomen profiten-
tium, eatenus non a credentibus tantum, sed & ab
incredulis & impijs cernitur: ab his ut ad fidem &
veritatis cognitionem perueniant; ab illis ut in
sana fide nutriantur ac conseruentur. Rursum

Match. 18, impius est qui non audit Ecclesiam, & pro ethnico
ac publicano habendus. Sed quomodo ille audi-
dere eam potuit, qui eam videre non potuit? At

Joan. 15, verò quemadmodum Christus dixit, Et viderunt
me & oderunt me & patrem meum; sic impij siue ethni-
ci, siue hæretici, siue mali Catholici, qui audire
Ecclesiam & eius disciplinæ subiacere nolunt, &
vident Ecclesiam, & oderunt eam?

Non potest ciuitas abscondi super montem posita. Hæc
verba quantum valeant ad Ecclesiam Christi vi-
sibilem & illustrem demonstrandam, & quoties
S. Augustinus contra Donatistas in eum sensum
illa tractauerit, in Prompt. Cath. Dom. 24. post
Pentec. circa finem accurate tractauimus, ideo-
que nihil hic repetimus. Sed vni adhuc hæreticæ
corruptioni occurrentum est. Ciuitas (inquiunt)
super

Fulco
ibidem.

Super montem posita non Ecclesiam, ut alicubi Augustinus,
sed Ecclesiae Pastores, ut Chrysostomus, aliquique sanius inter-
pretantur, designat: quorum vita suis in exemplum propo-
sta non magis latere potest oculos discipulorum, quam ciui-
tas super montem sita eos qui circumquaque in propinquuo
habitant. Ceterum qui Pastores Ecclesiarum hic
intelligit, populum credentem necessario inclu-
dit. Non enim sunt Pastores sine plebis, unde
D. Cyprianus Ecclesiam definit esse, gregem Pa-
storum suo adunatum. Est igitur Ecclesia tota ciuitas
super montem posita, collectio fidelium super
Christum edificata; sed in ea ciuitate magis emi-
nent & conspicui sunt pastores, tanquam tresses
& propugnacula eius. Et horum quidem vita cre-
dentes latere non potest, sed ideo non latet vita,
quia personae conspicuae sunt, & huiusmodi qua
latere nequeant. Vitæ & probitatis lucem vrgent
haeretici, personarum lucem agnoscere nolunt.
Sed utrumque sic docet Christus, ut ex persona-
rum claritate, vitæ honestissimæ lucem inferat;
& ideo lucere iubeat eorum opera, quia tanquam
ciuitas sunt in monte posita quæ abscondi non
potest, videlicet propter statum & officij altitu-
dinem quam tenet. Valet igitur optimè frequen-
tissima Augustini disputatio, Ecclesiam Christi
semper esse mundo visibilem & conspicuam, sicut
et Christinomen erit; quia in hoc al-
tissimo monte, qui Christus est, positi
sunt, id est, illius locum & authori-
tatem tenent, eius legati ac mi-
nistri sunt, eius personam
referunt, & potestatem
exercent.

Lib. I.
epit. 3.

(..)

13. Vos